

Izvještaj Komisije za Srebrenicu treba biti procjenjen od strane sudija prije javnih komentara

OHR pozdravlja konačni izvještaj koji je napravila Komisija za Srebrenicu, koja je istraživala sudbinu ljudi koji su nestali u i oko Srebrenice između 10 i 19 jula 1995 godine. Ovaj izvještaj je predat Vladi Republike Srpske u petak, 15 oktobra. 2004 godine. i predstavlja dodatak ranijem izvještaju Komisije od 11 juna ove godine.

Vlada će razmotriti nalaze u izvještaju, odobriti ga i proslijediti Komisiji za ljudska prava Ustavnog suda Bosne i Hercegovine, koji će nakon toga donijeti vlastitu procjenu.

Prijevremeni komentari o sadržaju izvještaja, prije procjene Komisije za ljudska prava, predstavljaju kršenje tajnosti u sudskom procesu i prijete da kompromituju značajan napredak koji je ostvaren do sada. Ovo je bio dug i detaljan process koji je podrazumjevaao mjesece pomnih istraživanja. Politika to ne smije kompromitirati.

Uspostavljanje Komisije za Srebrenicu jeste ključni element, kojim započinje proces, a koji može omogućiti, u budućnosti svim zajednicama Bosne i Hercegovine da se suoče sa zločinima počinjenim u njihovo ime. U ovom trenutku, OHR se nada da će Vlada RS-a podržati izvještaj Komisije i da će ispoštovati njegove preporuke.